

## Kinship Care Daim Ntawv Thov Muaj Qhov Kev Zam Uas Tsim Nyog Rau Qhov Tsis Kam Koom Tes Mus Muab Child thiab / los yog Medical Support

### KINSHIP CARE GOOD CAUSE CLAIM For Refusing to Cooperate in Obtaining Child and / or Medical Support

Cov ntaub ntawv ntiag tug koj muab tej zaum yuav muab siv rau cov hom phiaj thij ob [Privacy Law, s.15.04(1)(m), Wisconsin Statutes].

Hauv qab no yog cov xwm txheej uas lub county los yog tribal qhov chaw khiav hauj lwm saib xyuas me nyuam pom tias koj muaj qhov "kev zam uas tsim nyog" rau qhov tsis kam koom tes:

1. Koj txoj kev koom tes yuav ua rau tus me nyuam nyob hauv koj kev pab tu muaj teeb meem hnyav raug mob rau lub cev los yog txoj kev xav ntxhov siab.
2. Koj txoj kev koom tes yuav ua rau muaj teeb meem raug mob rau lub cev los yog txoj kev xav ntxhov siab rau koj hnyav heev uas yuav txo koj tsab peev xwm muab kev pab tu rau tus me nyuam kom txaus tsim nyog.
3. Tus me nyuam nyob hauv koj kev pab tu yog yug los ntawm ob tug neeg txheeb ze sib deev los yog muaj tus yuam deev es thiaj xeeb muaj nws.

Yog koj thov tias muaj qhov "kev zam uas tsim nyog" rau ib qhov ntawm cov nqe lus saum toj no, koj yuav tsum tau muaj pov thawj tseeb los mus txhawb qhov koj thov. Koj muaj 20 hnuv suav txij hnuv koj thov kom muaj qhov "kev zam uas tsim nyog" los mus muab cov pov thawj no rau qhov chaw saib xyuas me nyuam. Yuav pub sij hawm ntxiv yog muaj teeb meem tshwj xeeb heev es muab tsis tau cov pov thawj. Hauv qab no yog cov piv txwv ntawm yam pov thawj uas koj siv tau los mus txhawb koj qhov "kev zam uas tsim nyog."

1. Cov ntawv pov thawj yug tus me nyuam los yog cov ntaub ntawv kho mob los yog cov ntaub ntawv tub ceev xwm khaws cia uas qhia tias tus me nyuam xeeb muaj los ntawm ob tug neeg txheeb ze sib deev los yog kev yuam deev.
2. Kev hais plaub ntug, kev kho mob, kev ua txhaum cai, cov kev pab tiv thaiv me nyuam, cov kev pab tib neeg, kev pab kev nyuaj siab ntxhov plawv los yog tub ceev xwm tej ntaub ntawv khaws cia uas qhia tias tus neeg uas raug liam tias yog leej niam leej txiv los yog leej niam leej txiv uas tsis nyob nrog tus me nyuam yuav tsim tau teeb meem raug mob rau lub cev los yog txoj kev xav ntxhov siab rau koj los yog tus me nyuam.
3. Cov ntaub ntawv kho mob uas muaj koj los yog tus me nyuam li keeb kwm kev mob nkeeg los yog kev mob nkeeg tam sim no seb nyob li cas; los yog muaj cov lus sau los ntawm ib tug kws paub txog kev mob nyuaj siab qhia txog qhov muaj tus mob los yog yuav muaj tus mob nyuaj siab ntxhov plawv ntawm koj los yog tus me nyuam.
4. Ib kab lus lees tias muaj tseeb los ntawm cov tib neeg, uas muaj xws li cov phooj ywg, cov nyob ib ncig ze, cov xib fwb/txiv plig, cov ua hauj lwm rau neeg thiab cov kws paub fab kho mob nkeeg uas paub txog cov teeb meem xwm txheej yuav pab txhawb tau qhov koj thov.
5. Lwm yam pov thawj pab txhawb los yog pab nrog pom ntxiv qhov muaj tseeb.

Yog koj tsis muaj pov thawj los mus txhawb qhov koj ntshai tsam muaj teeb meem raug mob rau lub cev, nws tseem muaj cuab kav txiav txim tau qhov "kev zam uas tsim nyog" tom qab muaj ib qhov kev tshawb nug. Qhov chaw khiav hauj lwm yuav txiav txim seb puas yuav muaj ib qhov kev tshawb nug ntawm ib qhov thov tias muaj qhov kev zam uas tsim nyog twg. Tej zaum yuav tau hais kom koj muab ntaub ntawv ntxiv los mus pab rau qhov kev tshawb nug. Yuav tsis hu los yog ntsib tus (cov) niam txiv uas tsis nyob nrog tus me nyuam yog tsis tau xub qhia rau koj ua ntej.

Qhov chaw saib xyuas me nyuam yuav tsum txiav txim tsis pub dhau 45 hnuv yog koj muaj qhov "kev zam uas tsim nyog" raws li koj cov pov thawj.

Kinship Care cov nyiaj them yuav tsis raug tsis kam lees muab, muab ncuat tseg, muab txo los yog muab txiav tu tsis muaj ntxiv thaum tseem tsis tau txiav txim txog qhov "kev zam uas tsim nyog."

Yuav ceeb toom rau koj paub tam sid txog qhov chaw khiav hauj lwm kev txiav txim ntawm qhov "kev zam uas tsim nyog." Yog pom tias tsis muaj qhov "kev zam uas tsim nyog", koj muaj sij hawm 10 hnuv los mus thim qhov koj thov thiab muab kev koom tes, thim koj daim ntawv thov los yog hais kom muab qhov koj thov kaw, tshwj cov tib neeg tso cai los ntawm daim ntawv thov, los yog thov kom rov xyuas dua.

Yog pom tias koj muaj qhov "kev zam uas tsim nyog" rau qhov tsis kam koom tes, yuav ceeb toom qhia rau lub koom haum saib xyuas kev txiav nyiaj them yug me nyuam paub thiab hais kom:

1. Tsis txhob nrhiav ntxiv kom muab tau leej txiv, sau cov nyiaj them yug me nyuam los yog mus nrhiav cov pab pawg thib peb uas ris lub nra rau qhov kev kho mob; los yog
2. Ua tib zoo nrhiav kom muab tau leej txiv, sau cov nyiaj them yug me nyuam, los yog mus nrhiav cov pab pawg thib peb uas ris lub nra rau qhov kev kho mob uas tsis tas yuav koj li kev koom tes, yog qhov no ua tau yam tsis muaj teeb meem rau koj los yog tus me nyuam.

Yog koj tsis yog kos npe rau daim ntawv thov no rau qhov "kev zam uas tsim nyog" uas muaj qhov chaw ib tug neeg ua hauj lwm nyob ntawd, koj yuav tsum koj mus kos npe ntaus lub thwj rau (notarized). Xa daim ntawv ceeb toom no mus rau qhov chaw khiav hauj lwm koj tus kheej los yog mus xa hauv tsev xa ntawv (registered los yog certified).

Yog koj cov pov thawj tsis txaus, qhov chaw khiav hauj lwm Kinship Care yuav qhia rau koj paub seb yov yuav pov thawj dab tsi ntxiv. Lawv yuav muab kev pab li pab tau los mus muab kom tau cov pov thawj uas yuav tsum tau muaj.

---

Kuv lees tias qhov kuv thov tias muaj qhov "kev zam uas tsim nyog" yog los ntawm qhov muaj tseeb raws li qhov kuv paub zoo.

Kuv to taub tias qhov muab lus tsis yog yuav ua rau qhov kuv thov raug tsis lees muab. Kuv tau txais ib daim qauv ntawm daim ntawv thov no. Ntawm no kuv thov qhov "kev zam uas tsim nyog" rau cov npe lus hauv qab no:

---

<b>KOS NPE</b> – Tus Txheeb Ze Muab Kev Pab Tu / Tus Ua Ntawv Thov	Hnub Kos Npe
--	--------------

Npe – Qhov Chaw Saib Xyuas Me Nyuam

---

<b>KOS NPE</b> – Qhov Chaw Tus Neeg Khiav Hauj Lwm	Hnub Kos Npe
--	--------------

Form Distribution:   Relative Caregiver / Applicant  
                                  Child Support Agency